

邊一步齋詩集

陸



退一步齋詩集目錄

卷十三

春暉延慶集三

壬午 存六十四首

新正二日花潭中丞自上海歸過訪梅謬

正月十二日雪

送從弟澤合回東臺寓居一百韻

謝朱曼伯觀察送海棠

朱丈恕齋方伯道光壬午由霍山令調權懷甯士

民繪攀轅圖為獻今六十年矣方伯孫曼伯觀

退一步齋詩集目錄

察出以見示敬賦二章

題元人畫文姬歸漢圖

每幅有趙吳興書胡笳十八拍朱曼伯觀察所藏

六月初六日赴揚州

到揚州喜晤子箴子祥兩兄


游平山堂歸樹君同年和詩適至再用東坡韻奉

呈

金銀花

心泉僧招同人遊平山堂晚歸寓值雨子箴伯兄

用東坡游道場何山韻作詩見示因步均以應



和樹君移居原韻

出遊紀事七截句三十九首

子箴兄屬嵇生作行看子並貌其曾孫三多川官  
於側取唐灣語名曰百枝一植圖命予賦詩卽  
用兄贈嵇生七古原韻

效玉溪生重有感體

李厚庵明府

德培

吾師滋園尙書之兄子也來權

寶應縣事十月卸篆回省賦詩贈行

稼生自杭州來寓居寶應適患足疾賦此奉訊

退一步齋詩集目錄

一一

卷十四

春暉延慶集四

癸未

存四十九首

元旦試筆用樊榭集中己巳詩韻

上元雪偕稼生坐話

輓林竹溪丈

士班

寄慶蘭圃漕帥

慶裕

消夏第一集出翁覃溪先生爲伯曾祖餘齋河庫

所書金字扇示客并約同詠

消夏第二集戲作齊梁體和韻

率虞炎玉階怨

爽釋寶月估客樂二曲

簡同前八集題張寶畫太師少師圖

梁武帝夏歌四首

解昭明太子大言田及薛劄嘉安總志景示神書

張率長相思二首

消夏第三集賦得香合限三江韻

消夏第四集賦得不倒翁

明朱子价太守曰藩築射陂草堂在射陽湖側六

退一步齋詩集目錄 三

月二十日同人作消夏第五集席間詢太守齋

孫曼伯觀察則已不能指其故址矣爰用王弁

州題草堂詩韻索曼伯和

消夏第六集寶應懷古

消夏第七集徐仲田以新修嘉定縣志見示輒書

其後

消夏第八集題張寶畫太師少師圖

夾竹桃

牽牛花

凌霄花

珠蘭

再效玉溪生重有感體

題謝伯純姑丈菜根書屋圖

雜詩

卷十五

春暉延慶集五

甲申

存二十五首

元旦至鮑花潭中丞寓見壁間懸恭邸書聯相與

感時懷舊漫成一律

退一步齋詩集目錄

四

新春詠齋中花木

綠梅

紅梅

牡丹

水仙

碧桃

玉蘭

瑞香

山茶

天燭

出岫月季 文苑七韻 卷五十六首

佛手

香櫞

楊龍友詩扇歌

梅謔卽事

三效玉溪生重有感體

張綺卿茂才雪錦書來索詩賦此寄贈

戚夫人

退一步齋詩集目錄 五

今年預試乙酉萃科吳堦兆毅兄子臻廣均獲雋

三兒臻壹亦忝列邑庠賦詩爲勛

喜芟塘兄補湖廣道御史

懷江蓉舫前輩 人鏡

中元樹君招遊長春嶺夜飲約箇子箴兄有詩因

次其韻

卷十六

出岫集 丁亥戊子 存五十六首

到金陵喜晤倪豹岑同年贈七律二章

和豹岑同年仲夏乞病得請仍奉病痊入 觀之

平命紀 又恩原韻 水災錄 金題 合韻 林園奏

滬濱雜詠 下韻 溫詩 卷六 宮詩 韻奇賞

東洋車 韻如 蘇 卷六 八 卷一 卷一 開城大

將入都城賦詩誌感 題園圖 四律 示河土 趙

長樂初都護以芝隱室續集見示賦以奉答

志伯愚仲魯在廣州將軍署讀書時倩秦大使祖

永作同聽秋聲圖今年至都伯愚持示索題得

再二截句 伯愚同 伯愚入翰林

退一步齋詩集目錄

再題伯愚仲魯同聽秋聲第二圖是伯愚入翰林

後朱雲門觀察所作

題錢子密同年 應溥 寶泉河看荷圖 詩秦大對疏

又題極樂寺看花圖 呈蘇東貝示賦以奉答

題張友山中丞 北棟 頤園圖

謝恭邸賜瓜藕

謝心泉貝子賜馬

子箴大兄以畿境水災輸金助賑合肥相國奏

味聞奉 殊筆開復官職敬賦二律 卷八 賦之

附錄和作

子箴大兄以道光戊子入郡庠今六十年矣用隨

園老人丁未重游泮水宮詩韻寄賀

偕黃麗川總戎 金志 金荅人觀察 福曾 閱視大范

口至韓家樹挑河形勢漫賦四律示河上諸同

官

祀竈作

張翀甫司馬屬題尊甫先生西齋讀書圖

松峻峯方伯以其詰嗣碩碩彭課作見示漫成兩絕

退步齋詩集目錄 七

句奉贈

秋日雜感

兩窗憶三國志得截句二十首示長孫燕翹

詩書數川錄

金荅人觀察

園老人丁未重游泮水宮詩韻寄賀

子箴大兄以道光戊子入郡庠今六十年矣用隨


附錄和作



退一步齋詩集卷十三

定遠方濬師子巖著

陽湖呂景端



春暉延慶集三

壬午

存六十四首

新正二日花潭中丞自上海歸過訪梅詔

忽枉伊川駕慚非安樂窩青氈同我冷

公主講上海

白髮似

公多插架書零碎

公為予誦事冗書當零碎讀時來花自整齊開句

憂時話縷

觀草亭新補竹載酒好經過

公直書房時寓澄懷園補竹軒今寓中建亭亦種竹

竿數

正月十二日雪

退一步齋詩集卷十三

一

凍雲鎖春風雪片逐風墮空齋一無事不臥且靜坐開

簾絮飄飄積砌玉璨瑳眼倦睡自佳興發遊亦可柏酒

壺有餘柳炭爐炙夥節已近元夕頗思賞燈火臨帖快

時晴墨池綻花朵

送從弟

澤合

回東臺寓居一百韻

攬鬢吾垂老論心爾最賢臨歧增悵觸話舊倍纏綿豺

豕縱橫日龍蛇歷碌年

以下叙丁巳子奉諱南歸事

剛逾菰黍節痛

輟蓼莪篇繞樹飛烏鵲催歸叫杜鵑一官淹異地萬死

訴穹天風鶴淮濱路霜鴻潞水船兵誰知十五

時沿途皆兵勇

駐程恰計三千那料憂幽疾拚將性命捐短檠惟姪伴

謂破榻喚奴眠哀浦車初卸閩疆信屢愆鐵君叔父有書待子

至清江一見行程阻滯叔父已赴閩矣惠無孫幸飯貧乏阮郎錢銜恤孤

兒苦號寒叔母憐以下叙叔母章太宜人事羹湯教嫗送藥褻勸醫

延察脉神猶王經旬病竟痊荆榛眞惴惴涕淚但漣漣

金盞搜衣篋絲空賸紡輒帆隨離編挂軀向賊鋒全以下

叙予歸壽州事吉壤親情假危城將帥屏萱帷勞跋涉萍梗極

逆遘北上形骸槁南來手足胼分攜仍雨泣別後易星

躔以下叙子入都門後事紫禁中書草清池相府蓮簪毫銀作管

退一步齋詩集卷十二 二一

耕目硯爲田環堵安原憲曹司冷鄭虔和戎欽 聖度

偃武拯民瘡落紙蟲文細緘筒蠟印鮮檄招唐贊普理

服漢先零才愧英奇并言曾憤懣宣股肱推輔弼口舌

敵戈鋌密疏常焚稟淫祠欲燬祆島酋呼咄咄書記致

翩翩趨直依燕闕逢人寄鯉箋竹林思往跡芹藻喜高

拳以下叙和圃叔文需次兩淮藹卿少牀展菱肱被箱

存子敬氈熊丸遺訓渺鶴弔噩音傳永與慈顏隔頻蒙

望眼穿賻難資白鏹太宜人之妹適子同年張觀察樹

恩莫報黃泉證果皈婆舍瞻垣失女媠蠅頭書小傳馬

鬣表新阡

太宜人葬清江北郊子曾作傳

德許蘇洵記

當有銘文記德音老泉輓叔母

楊氏詩也名叨祖述先

以下叙予外任及重過清江浦與和圃叔父聚晤事

雞窗重聚

首雁序樂隨肩入抱童孫小承歡

馳婢前

指葛卿弟之子嘉棟小時

吾母見之喜悅

夜燈看翦穗曉甑正炊秣絮語忘稠疊桑栽幾

變遷座銘王仲寶屏字柳公權

和圃叔父以僧虔故事見勛并示所藏張船山

太守書屏

去去征途遠悠悠慮牽

以下叙子赴官粵東羅浮縈寤寐

章責任洄沿嶺嶠民風樸炎荒瘴霧連深巖狙是伍矮

屋蟻甘跼圖駿虛求骨騎羊未遇仙政功期勿擾鈞法

總憑甄貉獠澆漓習颺颺氣候偏大絃彈別調小吏奮

退一步齋詩集卷十三 三

空拳或者誠堪諒其如惡弗悛戶藏梟雉譜盜墮虎狼

涎湘峽琅玕美崧臺壁壘堅濫竽嗤逐逐聽鼓厭齟齬

王粲登樓賦荀卿解蔽篇鷓鴣休格磔鷗鳥息機緣綵

羨萊衣舞身慵郭袖揜裝雖殊陸賈關又度梅銷

歸養與弟重聚事

斗室壘篋奏圭塘翰墨編

元許有王兄弟叙子有圭塘欸乃集齋

中陳榻埽襟上庾塵湔蟻磨劬津市

游天津蠶叢翳蜀

川

時子篋兄吐虹傾肺腑邀月共團圓有妹悲孀早攜

甥覺影單

適吳氏妹隨妹夫至龍州州同任妹夫遠叙流離失所子遣人迎之至嶺西節署其子蔭

午年甫五齡詞由嶺西送歸固始原籍

蒼梧通問訊臨桂歎窮蹙

察書始知妹况脂秣良朋助平安幼穉還石貞形欲化海闊恨

何填蕭囊兄分俸深閨嫂贈鈿荻蘆雷岸雨楊柳墓門

煙妹回固始後子屢寄書屬其歸壻草太宜人墓事瑣胸能記言真意可銓夢

醒蕉鹿幻境過隙駒逾譽我先羣從資家藉散員以下指謫

卿上台多汲引謂黎召民陳子敬成子鶴諸公載籍頗精研謫卿仕不廢學角

帶嫌疣贅皮韉奈拇駢壯懷偏侷儻雅志願蜚鸞仕版

行登矣光陰盍慎旃此才洵綽綽愚意竭卷卷族忝稱

韋杜人爭仰僮侄先六世祖公衍府君五世祖兼山府君均年登大耋榜花開累

葉宮錦染香荃松柏凌真性杯捲謹潔調本枝承庇蔭

退一步齋詩集卷十三 四

盛世際雍乾獻賦丹忱勵加冠翠羽妍鳴珂趨殿

陞樹木得楠梗叔曾祖珠泉公乾隆甲辰召試拜大

西以農曾厓 碑木蘭行園 御前校射 特賞花翎 田菴公有子三人長鐵君叔父官翰林督學湖北和圃

叔父其靈簡楹重整鳩居壁四懸以下叙廬橋兵燹事青

岡還迤邐治水尚潺湲沃壤更烽燧荒園半枸櫞瑩碑

欣字在祠宇幸工竣先瑩均無恙 祠宇重建巢徙權辭燕堂新孰

兆鱸生涯都蝨蝨飄泊少輜輶自笑非耽隱爲氓合受

塵買鄰仁里宅學稼射湖喚敢詡清閒福聊參解脫禪

瓢傾椰實酒簾敞荔支筵笛韻山陽感謂唐霞耕丁仲山程式如諸君

茶芽顧渚煎切磋歌綠竹總錄效丹鉛時子蕉軒續錄成長鈇

衷徒爾郵亭思黯然籥雲舒驥足騰達慰華顛

謝朱曼伯觀察送海棠

近續蓮花社因君酒國開今年同人結消夏會每尋棠棣館謂令弟仲

書房知我海天來沈水無瓊李添泥護碧苔補題詩一

首愧乏杜陵才

朱文恕齋方伯道光壬午由霍山令調權懷甯士

民繪攀轅圖為獻今六十年矣方伯孫曼伯觀

察出以見示敬賦二章

退一步齋詩集卷十三 五

甲子剛周六十春使君遺愛在斯民欲知當日攀轅意

請看崇祠俎豆新吾鄉近為公請祀名宦

確士先生未遇時題圖會受鹿山知門牆公更誇桃李

一代名臣五字詩閩李公鹿山康熙間官蘇臬作讀書秋樹根圖沈文愨有詩款署治下詔

生今卷中吳竹如侍郎詩亦作諸生時也

題元人畫文姬歸漢圖每幅有趙吳興書胡笳十八拍朱曼伯觀察所藏

先為漢婦後胡婦二十年間說嘉偶又別胡家到漢家

一十八拍吟霜笳我從東髮讀范史卻訝文姬弗知恥

失身兩姓節義墮况乃歸來嫁董祀君不見息夫人閨

闐默默含怒噴又不見王昭君骨埋荒塚青草薰泰山  
鴻毛分重輕榮死終勝偷餘生中郎恃才性兀傲眉塢  
穢汚足甘蹈柯亭竹笛焦尾琴琴賞音復遇奸雄操嗚呼  
畫師那識奸意深借一女子要衆心蟬鈿蛾黛宮妝樣  
駝影駒塵關塞陰銅雀臺空無片瓦此卷猶堪助風雅  
紙上霞明西子裳雲端月笑姮娥寡墨瀋淋漓筆法良  
宋元往蹟亦蒼涼九泉欲喚曹瞞起白璧黃金贖子昂

六月初六日赴揚州

布帆挂起五湖鄉

揚州有五湖  
資廩其一

湖畔蓮花映水香南畝

退一步齋詩集卷十三 六

籠雲桑柘滿北風吹雨荻蘆涼過江山愛焦先隱度嶺  
人無陸賈裝料得良朋應念我謂樹年來詩債好相償

到揚州喜晤子箴子祥兩兄

又作韓江聚相逢喜不勝弟兄三百首風雨一青燈樂  
境閒方覺豪情老更增明朝攜酒榼同訪谷林僧

游平山堂歸樹君同年和詩適至再用東坡韻奉

呈

酒澆魄礪胸次平茶嘗甘苦舌本清斜陽正挂遠山角  
但見溪畔小橋橫獨木歸來黃犬先迎門喧喧似向奚

僮唄一卷南華悟秋水欲借寒泉滌俗耳  
知君心地玻璃平羨君詩句冰雪清我鄙君楚敢相角  
自笑疾用無枝成壞木連朝聽雨關柴門拙鳩溼雨聲  
含嗔朗誦君詩對流水絕勝絲竹盈兩耳

金銀花

公然黃白鍊名花瓊砌瑤臺莫漫誇貴客園林宜點綴  
野人籬落頓繁華忍冬甘臥空山雪消暑添煎古銚茶  
一種清芬誰領得采來同伴玉簪斜

霏屑休教到眼邊枝枝開占牡丹先春生宮闕仙應賞  
月映簾櫳夜更妍香逕夢回莊叟蝶芳叢買換沈郎錢  
傾囊只有新詩本雙管頻將好句聯

心泉僧招同人遊平山堂晚歸寓值雨子箴伯兄

用東坡游道場何山韻作詩見示因步均以應

風吹輭波平霧重遠峯小跳魚菱荷底鳴蟬楊柳杪輕  
舟搖短檣孤塔聳塵表炊煙起茅屋似共雲縹緲曠野  
有真趣到眼殊了了勝地惜兵燹幽境卻繚繞谷林好  
堂宇衆綠蔭深窈愛茲新篁林所欠芳蘭沼捐俗萬慮  
滌懷古寸衷悄伏櫪等老馬出樊羨飛鳥詩僧獨解事

知我交遊少袈裟涼雨透蒼葑溼薪燎伊蒲具素饌香  
蕈雜辛蓼半生肉食鄙聊以淡泊矯誓將大官庖一救  
窮閭殍高談驚四座鍾唄漫相擾持扇索僧畫兒此堂  
前微心泉善  
畫竹孫丈今與公長嘯餘韻嫋謂省  
齋丈斯游快騎  
鶴仰首向青杏和詩翦殘燭雨止天亦曉

和樹君移居原韻

相逢各道結新廬卅載交情忘笠車學稼試驅雙犢健  
應官曾共五羊居輸君腕力張顛草誇客腰纏李謚書  
從此蝨斯慶孫子年年喜氣定充閭

退一步齋詩集卷十三 八

亞字闌千曲徑遮營巢欣看燕飛斜兩三竿竹分鄰里  
廿四番風紀歲華饒有文章傳吏隱好憑耕讀作人家  
安仁亦具江湖興底事河陽尙種花潘令伯時昨有  
詩懷君與子

雪浪峯巒望眼遙巧將拳石矗雲霄

雪浪石乃黃氏園  
中物君所卜黃氏

舊居

也 坵壇舊事黃墟感

道光間右原郎中與阮  
相國梁中丞聯詩酒會

山水清

晉綠綺招行藥囊中拋遠志投簪海外號歸樵與君更  
訂秦淮約紅板重經利涉橋

我卻先爲度嶺行板輿安穩一裝輕那期珠海分襟久  
依舊金樽對月明蕭氏奚奴知穎士粵中舊僕有隨  
君至揚州春鄭



家詩婢侍康成請栽三百梅花樹香雪霏時眼界平

出遊紀事七截句二十九首

不出蓬廬近二年阿兄書至意欣然辦裝再踐聯牀約

好趁新涼聽雨眠子篋兄五月下旬自淝上抵揚州予於六月六日登舟踐對牀之約

湖光如鏡指秦郵圖畫高臺韻事留臣叔頗知猶子意

桂花香裏約同遊桐生十四叔奉差高郵釐局恩一晤約秋後同登文遊臺

泊舟召伯晚晴初來訪吾家隱士居壽卿宗兄一卷甘棠成

小志令人時憶董尚書溫卿可農居召伯鎮甘棠小志司農所著也

海濱有客唱刀環烽火驚心甘載聞魚鳥陣嚴犀甲利

退一步齋詩集卷十三 九

長年猶說五臺山五臺山久為淮軍駐紮地今撤防矣

喜把堽簾伯仲分香浮爐篆氣氤氳年來熱念消除盡

煩惱難禁豹脚蚊子篋兄寓灣子街子與兄對屋而居斯地多蚊轟雷擾夢

弟勸兄酬載酒過白頭二叟共婆娑堆盤苜蓿闌干甚

此味而今正不多子篋子祥兩兄皆年六十又八康健異常子祥兄自無為學博引歸久寓

不羨栽花洛縣開不須捷足步強臺瑕疵偏小皆堪用

只恐人稱是偽才兄子臻峻自差次來晤昔彭躬庵與吾宗素北先生書云天下人才偏小

瑕疵無不可用惟偽不可用誠今之宦途良箴

愛汝官卑志不卑勉旃毋負老夫期直心快口都成病

淚灑程門立雪時侵文端相國嘗訓子曰賢心直口快亦學者一病至今謹識不忘兄子臻

碩亦心直口快者因以為勗

詩孫為我負詩囊一笑居然大父行願汝更饒根柢學

少年容易是疎狂兄孫燕昭頗篤於學兼好藏書

橫經枕藜樂相於濟濟諸孫足慰予記取筠心雙字楔

莫將手板誤詩書兄孫燕謀等讀書日進望其有成時時敦勉筠心堂額先世父取獻賦

立命題

緬懷祖德仰清芬匣硯摩挲舊石紋兩箇曾孫開口喚

退一步齋詩集卷十三 十

錯疑身作武夷君從曾孫三多川官皆聰穎可喜

追吉歡迎擇婿車感婚賦就筆生花叮嚀相府雕梁燕

我是尋常百姓家三兒臻壹為張海柯宮保婿擇吉十月完姻海柯夫人攜女來揚寓合肥

宅相國

良友緘箋勸買艤無端風浪怒聲撞金焦也似人慳吝

隱匿峯巒怕過江吳朝傑總戎來書訂金焦之遊適值連日大風未得渡江心殊耿耿

林下優游福履充朱顏白髮兩方瞳李樸園侍郎曹

嵐樵黃門許尚書都親炙魯殿靈光又見公晏彤甫中丞八十三齡精神矍

錄

客來不速闖雙扉孫宰多情具一葢醉發譚言公勿噤

揚州鶴瘦廣羊肥孫省齋方伯丈治具宴客聞予到卽折柬邀陪未坐親情交誼兩可感也

懶扶筇杖謝郵筒太守清廉不諱窮休道小兒誇疾足

本來我輩步難工同年朱升菴前輩官郡守歸清貧彌甚猶殷殷招飲故末句及之

不減腰圍七十強胸通難素術稱良神仙倘遇孫思邈

定致千金覓秘方溧陽沈君青芝精岐黃年垂七秩昕夕聚談

誰倚高樓聽笛聲戈矛隊裏一書生憐才不遇平章李

竟屈監司作步兵舒城趙小溪觀察直爽廉明需次江蘇有年現督辦揚州保甲局因戲及

之

退一步齋詩集卷十三 十一

驥足能空冀北羣對君深自愧公豚邇來暑退身安否

豈畏題餠不出門劉駿卿觀察因暑疾遇宴會皆辭其詰嗣以孝廉直薇省後生可畏

同年同宦海南州先後風帆一例收那料邗江仍結社

三同應更羨方劉同年劉樹君觀察解組寓揚重聯詩社

一序蘭亭跋十三闌闕麝墨露針涵冰紈寫出如花格

合倩佳人玉手簪予以紈扇乞樹君書小字蘭亭并十三跋語同人詫為精絕

城北徐公露比清歸來忝結歲寒盟蘇髯一語吾猶記

人淡官鹹荷品評己卯予自嶺外歸與仁山都轉訂交瓜步舟中仁山官兩淮商民愛戴記

予攝粵艦蘇庶堂河帥以官鹹人淡為舉今可以移贈矣

圖卷裝潢七友偕脫離宦海暢襟懷政聲輸與陳驚坐

萬語爭傳尺牘佳州嶺南還自彤甫中丞以次同聚揚州者七人庚辰夏屬畫工作圖以紀

今年陳六舟觀察被旨出山聞上張振軒尙書書凡萬餘言粵人士互相傳誦極勝福曜蒞臨

抱瑟如何不善竽觚稜回首夢模糊冷冷西子湖邊水

照見東家體態無家子顯兄久宦浙江甫晉轉運使別履任復奉旨開缺來京子與兄別

十六年始握晤惟望其足疾早瘳再游燕市也

聞簾剛好北風吹裙帶留傳七字詩泉下何郎知道否

鴛鴦飛過相公池何悔餘前輩全集近甫得讀一過裙帶饒為蔡十香悔餘解嘲句也予復

用蔡夫人語毛澤民事更進一解

退一步齋詩集卷十三 十一

上界仙廚屬戴蒙金鹽玉豉水晶葱開函偶檢冰壺傳

酸味因君一洗空戴友梅觀察庖饌最工往來邗上必飽老饕

密疏洋洋達 帝闈白雲黃鶴與招魂傳家豈僅科名

貴一集千秋手澤存吳次簫茂才久困場屋其先德文節尚書殉難武昌忠勳卓著子昔

藏曾文正相國白公死事一疏檢付次簫外間無此稟也文節全集近已刊刻流播海內

未共壺園倒酒樽場來隋苑枉高軒大荒漠漠風沙起

忽荷長戈出塞門子在廣州從事秋闈時葆芝岑方伯以勸辦捐輸至出闈後彼此恩恩拜

訪長樂初將軍為予道芝岑品詣甚詳擬邀往壺園一聚而子有應辦公事急返嶺西不及赴約今年方伯游

揚州先承枉顧忽聞為晉撫奏劾遣戍軍台實意想不到

曾向長安醉舉觴  
輒紅塵土馬蹄忙  
蕭閒好約淮南隱  
甥館重登樂老堂  
何汝持觀察謝江漢開事來揚汝持配壽州孫夫人乃內子之姪樂老堂

孫石舟先生故居也

老去豪名付濁膠  
金戈鐵甲等閒拋  
多君心似岫河水

合許鯁生締淡交  
楊待堂都尉自懷遠移居維揚任俠好客

沿階鋪石美如鑿  
新築書齋萬卷齊  
要與橫渠爭一席

鐫銘且列屋東西  
張午橋前輩自端州艱歸不復出矣新建高齋珍藏秘玩令人豔羨

卅六峯人黃子鴻  
慎筮真不愧家風  
萬金揮盡渾閒事

抵掌依然氣吐虹  
黃子鴻明府原籍徽州六法之精力追李暉

退一步齋詩集卷十三 十三

樹杪新蟬亂作聲  
五亭橋下小舟行  
芰荷迎著汪淪笑

潭水桃花浪得名  
再遊平山舟至五亭橋適遇汪硯山茂才一笑而過

頻喧櫂馬盍朋簪  
手把壺觴激濫斟  
譜出念家山一曲

簫聲月色起鄉心  
同鄉李子木觀察魯紫封萬秋圃凌楷山三分司陸澄齋麟尹分筵招飲

極申賓主之歡

無著天親讓爾能  
素琴橫對佛龕燈  
平生頗訝知音少

今日相逢竹院僧  
游興教寺聽濟川上人彈琴並設伊蒲饌

心泉畫竹效文同  
索我題祠愧未工  
贏得平山添故事

萬竿煙雨一詩翁  
平山堂僧心泉近日彼教中之風雅者

一門三世記追陪猿鶴蟲沙歎劫灰任昉舊交都落魄

練裙葛帔有誰哀

許性存知事安吉先生孫也先生在子家五十年自遭兵燹家業蕩盡性

存需次兩淮艱辛萬狀子非劉孝標但對之法然

裝點炎涼鑒物形齒牙清濁渭兼涇三搥弗用漁陽鼓

平話重聞柳敬亭

宮午亭善平話口講指畫情態宛然

扁舟歸值水汪洋難進真宜退士裝差幸秋光能不負

海棠紅白蜀葵黃

歸寓後秋光正放景色宜人閒居樂事也

子箴兄屬嵇生作行看子並貌其曾孫三多川官

於側取唐灣語名曰百枝一植圖命子賦詩卽

退一步齋詩集卷十三

十四

用兄贈嵇生七古原韻

世間至樂誰最真孫曾繞膝稱全人朋輩好事覓畫手

圖取君貌凝手神妙哉嵇生技若此展卷軒渠贊不已

當年坡老攜何充今者嵇生母乃是一紙爭將韻語傳

對之使我怡心顏武夷神君在何許直欲邀約凌雲觀

予近有詩云兩箇曾孫開口喚錯疑身是武夷君指三多兄弟也

團圓明月落酒盃飛

照濃陰曲徑滿果然老樹無醜枝豈與凡柯較長短繁

枝茂葉非小小錯節盤根原自早寶家丹桂田家荆讀

到新詩堪壓倒大蜀山巔淝水涯歸採三朶仙童花三

朵散成百千朵雲仍繼繼鄉間誇我曾匣弃胡威絹平生恥學宣明面也思裁絹寄嵇生繪出長竿釣魚線在子

續西乞黃壁繪意釣圖卷

釣魚亦復有聲聞頃刻磻溪貴賤分只嫌

八十重榮顯攝白含飴俗累紛

### 效玉溪生重有感體

世事紛紜儼奕棊閉關野叟笑開眉黃金日下增聲價  
白簡風行減陋規如汝人才堪想像自公退食亦委蛇  
囊中一管生花筆正是文通作賦詩

直似張弦曲似鉤摻摻隻手掩雙眸閒花野草都無賴

### 退一步齋詩集卷十三

十五

老棘荒荆一例收未必附庸新建伯居然擣擗武鄉侯  
人間藍面何難識堂構由來有劣優

高坐巍巍擬渴羌泔魚聞晚定悲傷人從官署還葱肆  
客向僧廚借麪牀三部樂堪延魏使一枚錢可覩張王  
金風江岸蒹葭冷蕭颯難禁九月霜

身上征衫舊淚痕敢云此淚足酬恩跛驢得勢能欺虎  
腐鼠無端也嚇鷓慎莫高歌過燕市便應長嘯對蘇門  
萬重海水波瀾壯歸與方平子細論

李厚菴明府

德培

吾師滋園尙書之兄子也來權

寶應縣事十月卸篆回省賦詩贈行

寄跡湖鄉拂袖埃柴門屢爲使君開政如冬日羣黎愛  
花勝河陽滿縣栽左手有誰能借箸君食用左手  
故戲及之閒身

輸我且銜杯臨風忽憶師恩重四十年前小秀才子十  
四歲

受尚書  
知入洋

稼生自杭州來寓居寶應適患足疾賦此奉訊

記否乘風破浪行歸來依舊兩書生尋梅步讓幽人健

濯水心知孺子情雨雪長安東郭履滄桑小劫朔方兵

謂君在京與子貧  
况及出使西洋醫家自有靈蘭法爲報吾宗老壽卿

退一步齋詩集卷十三 十六

時薦壽卿先  
生爲君診治

退一步齋詩集卷十三終



退一步齋詩集卷十四

定遠方濬師子巖著

陽湖呂景端編校

春暉延慶集四

癸未

存四十九首

元日試筆用樊榭集中已巳詩韻

湘管先書大有年暖風吹送小窗前偶傾竹葉遽巡醉

不拜梅花禮數捐日永三春依壽母香焚一室喜晴天

故鄉遙望歸無計贏得閒身在客邊

上元雪借稼生坐話

朔風吹雪大如掌兀坐披裘寒蒼莽今年元夜燈應無

退一步齋詩集卷十四

一

去歲中秋月罷賞癡雲凍絮負佳節俗諺分明占弗爽

雲暗中秋月雨灑上元燈俗諺也

九青拈韻記新奇

戊申在東流與湯小坡作春雪詩用

九青全韻兵燹後失棄

三白當春頌豐穰門前有客不速來

稼生

活火烹茶石銚響愿愿遊蹤聽客談孤山梅鶴西湖漿

我與湖山少夙緣半生魂夢勞馳想

予未到杭州

起視祥雲

滿巡飄暮景更饒雙目朗燃藜漫企太乙神絳蠟熒熒

照書幌

輓林竹溪丈

士班

先生足不捷孤負終南山

公守西安以足疾為巡撫馮公劾罷

舊雨三更

話

戊辰子赴粵東公時需次京師置酒相饒達旦始別

清風兩袖還買鄰方念切

投筆值時艱

公在軍營最久淼淼岫河水

懷遠岫河公族居此空餘老淚

漕

寄慶蘭圃漕帥慶裕

幕府園林水石寬多公招我共盤桓嵇康性懶書遲答

來書云暮春如閒作袁浦之遊當掃榻以待

薛燭門高劍敢彈花滿鳳池懷

舊侶檄馳鯨海息狂瀾

指同官侍讀并同直諱署事

文忠遺事蕉軒

錄何日緘呈閣下看

文忠公在諱署事值艱難必曰僕之心意君與蘭圃豈不悉耶吾

兩人受公知最深公遺事詳予所撰蕉軒隨錄

退一步齋詩集卷十四 一一

消夏第一集出翁覃溪先生為伯曾祖餘齋河庫

所書金字扇示客并約同詠

翁公詩如宋語錄數典徵文體稍俗只有作字能通神

私淑鍾王步坡谷餘齋老人遺一扇公為蘸金書滿幅

力透紙背增氣魄手握霜毫勻骨肉 文思天子文教

昌四庫搜羅著總目是時老人直史館公正鳴珂侍

講幄校讐閒暇談八法溯厥源流衆咸服東武相國負

盛名夢樓太守矜高躅一濃一淡具丰神公更臨池墨

采足安吳利口森鋒鋌卻謂公書但藻縟慎伯大令於公書頗有微

辭緣公當日伎完白譽少謗多母乃酷見慎伯所撰賤

子趨庭聞訓迪先大夫以書名先君評定泯偏曲今之北海梁

臺州完白實推晉魏轂古文嫡派在吾皖八法宗傳亦

堪續莫薄今人復議古古今聚訟如留獄放歌譽錫貴

瘦硬題帖妖姬鄙兩禿眼空大界趙因園視董光香輿儻

王覺奴僕山集爭名已落古人後舍短從長豈容瀆諄

諄庭訓中心藏敢以家雞易野鷺卽看此扇點畫精百

十餘年風過燭子孫世守勝簾金賓客傳觀侑醞醪

消夏第二集戲作齊梁體和韻

退一步齋詩集卷十四 三二

虞炎玉階怨

草香滿空谷花好無醜枝細腰束寶帶有餘匪伊垂

釋寶月估客樂二曲

儂來郎伴行郎去儂相送贈郎金剪刀留爲剖鯉用

織愁儂自憐鎖恨歡不憶冉冉博山鑪暗香猶未息

同前

楊柳拂高樓春寒憶雍州忽驚蝴蝶夢萬里寄書不

桃花灼灼開輕舟何處泊莫學采樵夫爛柯一局博

梁武帝夏歌四首

豔豔枝頭花盈盈池中水祝水照花枝莫教顏色異  
綉妾一段錦懸君雙明珠炎熱無多時秋思當踟躕  
盤登白馬榴樽滿綠蟻酒纖手持問郎甘芳應適口  
蛺蝶穿花去螳螂抱葉時勸螳螂休捕蝶旁有黃雀饑

昭明太子大言

身騎黃鶴過東海口斥金仙捧巨觴萬古尙嫌日短九  
州直藉風翔

張率長相思二首

長相思久離別故人貴後音問絕望眼穿愁思結繡枕

退一步齋詩集卷十四 四

夢徒遙羅衫香早滅妾年雖未老妾髮將如雪  
長相思久別離所歡不見雙淚垂金錢暗卜知不知邊  
城明月寒海壖長笳吹偷眼對銀河胡然斗柄移

消夏第三集賦得香合限三江韻

添香擎雅合詠物發新腔屑細銀爲七文鐫筆似杠煙  
光縈寶篆月樣對明釭價豈輸青鈿薰宜配綠芷如規  
知器重入手歎工龐蔗段分三五梅花綻一雙

蔗段梅  
花皆香

合名佳名殊角櫟巧製號倭撞小炷憐溫暖餘灰任黓黓  
此心禪衲印悅目睡魔降鼎并龍涎熬爐休鵲尾扛籠

來詞客袖攜上酒家樓拂拭陳筠几氤氳遍綺窗炎蒸

望秋至得句矯長江

唯愁秋色至乍可在炎蒸賈浪仙詩

消夏第四集賦得不倒翁

不倒翁默弗語世上老人誰似汝何嘗忠義具心肝似  
有戈矛生肺腑問翁甲子今幾何青瞳白髮朱顏醜自  
云前身本黃土搏來容貌無差訛我佛如來大歡喜拭  
拂垢汚脫泥滓宣賜冠佩袍帶履教學鎗戟劍弓矢辛  
離兵烽許稱附庸龐然自大實莫能容聲價高於洛陽  
紙寒酸昔困淮陰市貴同王濬署龍驤賤指任圖是蟲

退一步齋詩集卷十四 五

豸相翁之面宜侯王相翁之足工趨踰足孱那得春遊  
胖薄面徒留暑月霜偃師妙手舞傀儡當場爭致纏頭  
綵此翁可惜力頽唐禿鬢消磨壯心改壯心改筋力殆  
腹負將軍才慙邑宰受人提攜恩甘爲塗炭浼獨立蒼  
茫氣勢雄手中翻覆笑兒童一朝彭越傷成醢莫怪闕  
氏妒乃公

明朱子价太守

曰藩

築射陂草堂在射陽湖側六

月二十日同人作消夏第五集席間詢太守裔

孫曼伯觀察則已不能指其故址矣爰用王弼

州題草堂詩韻索曼伯和

茗雪曾開社圖書憶滿牀小園同庾信大隱慕巖光閣

帶春山色亭環秋水長法華經一卷熱念已全忘

太守官鳥

程令與劉麟結社守九江卒歸惟圖書數  
鹿家有山帶閣水樂亭曾註法華諸經

消夏宜清宴因君問舊居蒔蓮猶有雁

蟬鳴六月稻雁  
種雙渠蓮太守

題道遙館  
詩句也

種樹但留書湖畔輕盈水門前薄笨車空餘

篇什在讀罷意殷如

消夏第六集寶應懷古

酸棗登壇意凜如功曹真不負名譽氣吞眉塢全臣節

退一步齋詩集卷十四 六

血染毛椎答友書一邑競傳雙烈士兩軍爭劫一乘輿

射陽終古清冷水嗚咽年年怨本初

品隲才賢漫異同四方使命古今隆行人手繕中山疏

太尉心奇絕域功空詡北觀窮上谷有誰西至說崆峒

夜來焚卻陳琳檄不許頭風愈魏公

慷慨談兵賈濟川崇墉屹屹固淮壩金人盟不尋城下

石氏心甘伏馬前

指石珪等  
出義軍

半壁河山勞歲幣七年沂

海靖烽煙籠中蟋蟀聲偏切似勸平章好象賢

汜光湖水接天遙煙鎖湖堤路一條漁艇尙傳天子鈞

羽書曾爲美人招黃金鑄印封仇鉞

近峰間略以白鐵鉞爲寶應人

鎔繩繫蔣瑤莫上攬軍樓上望野蘆官柳雨瀟瀟

消夏第七集徐仲田以新修嘉定縣志見示輒書

其後

蕩蕩湯湯孰奠居九州微禹我其魚治河使者如相問

一卷先陳水利書

志中言水利頗詳

降旗一片出江南螳臂當車信不堪爲語虞山蒙叟道

泉臺無面見陶菴

臯比講席共推崇槐柳蕭疏一逕風聞是劉公親手植

退一步齋詩集卷十四 七

綠陰倒映泮池中

吾鄉劉公崧秀嘉慶間官嘉定縣教諭手種槐柳至今猶存

分宜權勢壓朝端朝士趨承宰相歡一事莫淆青史筆

改名容易隱名難

指徐學謨事志中似有所諱

消夏第八集題張寶畫太師少師圖

石城張寶寫生手揮灑丹黃近罕偶紙上摹成獅子圖

毫端眞作獅子吼小者雙目凝曙星大者氣欲吞滄溟

不知寶也何處睹此形距爪雪白毛霜青讀傳頗疑穆

天子狡狴日走五百里八駿猶行三萬程凡獸豈堪神

物比齒震尾搖喜怒威盼左顧右精采飛波斯不來疏

勒遠腕力古勁追探微胡騰醉舞效獅狀宛轉甍能但  
皮相亦有空王護法輪一聲消盡塵埃障何似斯圖筆  
墨超意匠慘淡天機饒南金山路偏迢遙魂夢安得凌  
層霄倒騎獅背羣仙邀要使猛虎匿伏豹霧消麒麟閣  
上那羨名姓標射狐逐兔奚足驕換取美酒解金貂公  
孤雖貴非幸微君不見賊相檜高僧姚

夾竹桃

枝枝相亞矮籬門月下丰姿雨後痕紅袖有情能抱節  
青霄不上總無言秋風忽幻繁華景春水難尋左右源

退一步齋詩集卷十四

八

記得賞花西嶺日頻催臘鼓倒芳罇

粵中夾竹桃  
冬月猶開

牽牛花

黑白分明是此花託根原在牧童家若教甯越商歌起  
待汝南山載後車  
八字牆陰露未乾金鈴遮護曲闌干自從沾漑天河水  
不數人間黑牡丹

凌霄花

小草凌霄頗奇絕花葉能經三伏熱笑我新披薜荔衣  
傲人亦表荷葉潔霜雪深山歲轉寒可憐弱質易摧殘



縱饒鄭圃稱豪傑到底擎天捧日難

珠蘭

本不儕凡卉悠然具素心幽香堪比玉空谷重兼金紉帶三霄露穿停七夕針培根防蟻子秋氣正蕭森

再效玉溪生重有感體

朝廷宵旰孰分憂築室何于道路謀參佐妄希中庶子貳師未拜海西侯青銅溟渤朝磨鏡碧玉伶俜夜倚樓聞道鄭權持使節聲名驚遍嶺南州

佳人北地說嬋娟南國容顏亦自妍新鬼啾啾呼故鬼

退一步齋詩集卷十四 九

貪泉汨汨笑廉泉蝗蝻入土終遺孽鷄犬登天也是仙莫訝空山無甲子拈毫早著短長篇

捧日松筠柯葉清可如葵藿寸心傾衰庸屢上陳情表煬敵惟沽薦士名蓑笠白頭空識字綺紈黃口縱譚兵販繪屠狗乘時起羞煞當時噲與嬰

大刀闊斧奏奇勳守武還應更用文章角只堪虹小子

單身誰繫豕將軍

用北史趙隱傳中事

人從異地才方展事委同

官謗易分若遇洪厓憑致語右肩多買麝蘭熏

鼠肝蟲臂辨微茫妙喻先從小處詳讒語竟淆阿卽墨

忠規猶記范歐陽  
禾生瘠壤無嘉穗  
病付庸醫鮮善方  
頑石本來難點化  
老僧何苦舌頭忙

疏草森嚴對簿難  
棉花輕軟被人彈  
馳驅關塞驅黃馘  
澎湃江濤鴨綠寒  
儲精誰知軍士苦  
荷戈猶賴主恩寬  
風前一掬懷人淚  
雙袖龍鍾仔細看

鍊汞燒鉛事事癡  
轉丹無術尙凡姿  
人傳楊綰增京俸  
我惜韓翊理度支  
蛇鬪何嘗分內外  
烏飛那復辨雄雌  
從今耳目拚聾聵  
電激雷驚了不知

拜疏如何失體裁  
敢忘恭敬逞麤才  
將毋處士稱名小

退一步齋詩集卷十四 十

直欲同僚繼武來  
一卷騷詞湘水哭  
八章秋興杜陵哀  
此心別有江湖感  
閒撥爐香念未灰

題謝伯純姑丈菜根書屋圖

朱門貴人足梁肉  
對客時時誇野蔌  
何嘗野蔌充庖廚  
醉飽醲鮮恣口腹  
先生洗盡豪華姿  
菜根滋味能深知  
茅檐曝日安儒素  
畫卷裝成遍索詩  
不學英雄韜晦者  
不須勞致園官把  
萬種幽懷寄一畦  
呼童抱甕青溪下  
我別青溪歲月侵  
扁舟短棹擬相尋  
狂言更博先生笑  
每飯無妨食菜心

雜詩

日月不蝕掩天下頽  
太平雷霆威怒魑魅乃震驚  
至人握斗柄刑賞分重輕  
太阿耀光芒鋒刃誰敢撓  
肅殺秉正氣秋霜回春榮  
丈夫生明時濟濟爲國楨  
出治凜綱紀具瞻環羣氓  
令嚴杜墨屎誥誠推肫誠君看古賢  
良豈在赫赫聲鄭僑水火喻郎顛  
君臣明玩畏強弱間可知敗與成

鯨魚躍東海猙獰變猛虎鬻鬣一朝脫  
熊羆實儕伍  
人逞雄威百戰甘首俯茫茫巨浸內蛟龍最得所同類

退一步齋詩集卷十四

十一

相感化騰波傲魴鱣胡乃借牙爪不肯奮雲雨入山色  
斑斕負嶠氣敦圉北平將軍來腰間露箭羽一射貫汝  
胸再射中汝股嗚呼嘯風子力窮小於鼠漢時封使君  
金章耀朱組生臨宣城民死爲山獸主民膏與民脂子  
求復子取魚乎汝有知眈眈亦良苦甯作鱗之而莫誇  
足四五

唐時源乾曜曾受姜皎薦兩人契分投遂爾聯親串  
明皇開元間王府求俊彥源有公清名便殿得召見占對  
神氣爽遷擢少府監未幾執政柄堂封荷殊眷皎甥李

哥奴干牛始從宦求作司門郎頗爲源所賤道官須才  
望李材豈堪選厥後奸邪興朝綱竟獨擅沈沈偃月堂  
忠良構排徧允矣君子心屏斥實明鑑及皎坐漏言朝  
廷加嚴譴中書希權幸杖逐騰謗訕源方官侍中乃不  
肯救援非特私恩忘亦且公道掩推轂曹邱生九泉淚  
如霰

契丹侵澶州兵勢頗机隍寇公排羣議親征策遂決一  
戰達蘭死強虜肝膽裂首遣閤門使誓書語懇切峩峩  
北城樓旌旗何偁偁踴躍呼萬歲億兆盡歡悅彼哉王  
臨江出持天雄節閉門誦佛經終日素齋設大臣謀國  
家自與流俗別奈何還朝時向人矜功烈讒言起孤注  
分陝歎蹉跌嗚呼干鏌鋒過剛必遭折不見鑪金初約  
利弗敢竊奚用讀漢書無術愧往哲

愚夫求神仙采藥到海表偶見一峯高便疑蓬萊島黃  
金製鑪鼎鍊藥恐不早飛昇羨俄頃容貌誇壯佼旁有  
龍鍾翁自慚色枯槁終年友麋鹿忘機狎鷗鳥饑來啖  
麤糲一飽萬事了不覓雲英漿不求安期棗愚夫語若  
翁母乃欠分曉汝傍仙山居何必甘荼蓼剖我青松脂

檢我赤石腦焚我金鴨香飲我玉壘醪翩翩雲中君喜  
我善祈禱手持上清書授我長生道吞此一粒丹頗誇  
火候好山巔忽飛雪凍壓鑪鼎倒熾陽曜當空東方正  
杲杲爍火失光彩砂飛鉛復標可憐北邙邊寒風萎蔓  
草回頭笑愚夫生年比翁小

退一步齋詩集卷十四

十三

退一步齋詩集卷十四終

退一步齋詩集卷十五

定遠方濬師子巖著

陽湖呂景端編校

春暉延慶集五

甲申

存二十五首

元旦至鮑花潭中丞寓見壁間懸恭邸書聯相與

感時懷舊漫成一律

彩箋喜見筆如椽自別賢王歲月遷晚景田疇安我拙

朝正冠佩讓人先三番薦禰恩難忘五利和戎志獨堅

公亦書齋舊賓友梁園詩酒記流連

新春詠齋中花木

退一步齋詩集卷十五

一

綠梅

閒窗靜對一枝梅羨爾芬芳冷處開莫訝多情憐碧玉

祇緣相伴嶺嶠來

梅為端州節  
廨所手植

紅梅

曉日烘開萬顆珠羅浮仙子貌豐腴朱顏欲索名花笑

知我今朝醉態無

牡丹

底用蹙蹙羯鼓搗天然富貴向人誇相公名與平民等

黃是姚家紫魏家

姚黃牛黃皆民人魏紫  
乃宰相仁溥家所種

水仙

觀星化作女兒胎

姚姒夢觀星墜地化為水仙而生女

燦燦黃金似酒杯

贏得歲寒增一友重臺原本是輿僮

花以單瓣為貴得水不枯真歲寒友

見學圃雜疏

碧桃

託根天上露華濃偷下瑤池減麗容怪汝無言勸晨肇

歸來依舊是凡傭

玉蘭

冬月含苞不畏寒白描春色幾枝攢若教第一論花品

退一步齋詩集卷十五 一

我道辛夷遜玉蘭

瑞香

佳客相逢快舉觴金邊綠葉價尤昂

張敬叔以瑞香為佳客四會縣山中

有金邊瑞香一

兒時曾記瑯瑯館一樹開時十戶香壽州

孫春墅先生家有瑞香一株高可數丈

山茶

少婦晨妝正倚樓看花默默為花愁昨宵堆滿枝間雪

彷彿紅顏也白頭

天燭

纍纍朱實綴牆隅青鳥銜來種自殊此是南中天燭子  
小兒錯認寶珊瑚

月季

凌霄燭夜浪爭名蓓蕾蕃多月月生一陣廉纖新雨潤

綠波春水倍含情

月季花有名春水綠波最嬌豔

佛手

散盡天花倦眼低餘香猶復遍禪栖西方萬種空空相

誰乞如來爲指迷

香櫞

退一步齋詩集卷十五 三

酸味難令措大知香爨留供早春時杈枒妄借東風力

吹皺青黃老面皮

楊龍友詩扇歌

扇上書二詩云畿南千里瑞雲同積素續紛舞朔風大出梁園新授

簡三更淮蔡竟成功黃河甲士方歌柳白水眞人正築宮獨立瑤階還自笑馮唐雙鬢已成翁

東雲直壓大江流江上三山似白鷗卻客未安焦土寢得君先到子猷舟天呈玉馬開新瑞田

擁金莖報有秋獨憶白頭堂上每臨風徒倚在高樓款署甲申苦早入冬大雪諸名士作瑞雪

詩因附二章聊爲續貂乙酉春王之二日似開少社兄正之時在金山禮懺吉洲弟楊文聰

孤臣顛天佛不知狎客禮佛天應嗤至今二百四十載

扇頭瑞雪留新詩瑞雪詩成署乙酉監軍持節京江口



去年苦旱農田荒玉龍鏖戰嚴冬後去年何年賊勢張

甲申三月明社亡君能殉國臣誤國一誤再誤迎辱王

淮泗瓜儀空俶擾台諫公卿半奸狡搜羅黨籍遍衡茅

突兀戈船馳檄草狼煙晝夜斥埃烽拜疏乃欲興禪宗

龍友有請宏佛法以扶王化之疏霜沈渡口懷毛羽毛羽渡卽月滿江

心冷梵鐘鐘聲驚起夢魂改多少桑田變滄海槐柯光

景小朝廷芥子須彌觀自在點染桃花記合歡媚香樓

上思漫漫卻嫌白水黃河句難作禾油麥秀看倚閭慈

母悲游子過江名士誰知己烏鳥虛陳令伯情鯽魚眞

退一步齋詩集卷十五 四

似荆州市墨迹流傳往事昭紅泥私印姓名標 聖朝

渥沛衷忠典未許斯人一字邀

梅謬卽事

今年蠲藥餌行樂卽良方過雨增花豔銜泥看燕忙新

蔬充膳美陳釀舉杯香小婢辛勤甚縑絲繭一筐

焙茗精麤揀圍碁勝負分蹇驢爭末路高鳥妒歸雲紅

綻遊龍草青舒避蠹芸書城吾自富那用送窮文

三效玉溪生重有感體

妖蜂鬼蝶爲誰忙吠犬鳴雞也自狂白月橫空原皎皎

黑風吹海竟茫茫，謗生穎上歐陽宅。妒到成都葛亮桑，豈有聖朝容聚斂。每思天語淚沾裳。

臣官中書舍人時夜直閣

中恭讀高宗實錄當金川用兵長蘆鹽政麗柱請加鹽引江西巡撫唐綏祖請飭各官捐廉奉諭旨嚴斥

中有豈朕而容聚斂之說得以行於今時煌煌訓誥固宜萬世遵守也

廬江小吏鬢皤皤，曾對犁牛一笑呵。馬矢幾時埋惠伯，狗功當日仗蕭何。移文久已驚猿鶴，怪物奚曾見駱駝。要爾平章軍國事，暮年容色莫蹉跎。

瘴嶺蠻山毒霧連，炎荒異種腹戈鋌。幾平隨白馬清流，後相待黃泉業鏡前。子豈螟蛉忘蠹贏，人驚鳥雀逐鷹鷂。

退一步齋詩集卷十五 五

鷓漫憂水火分，門戶助燄揚波亦偶然。

永夜焚香暗室中，於昭在上鑒愚衷。買來端石傳孫子，薄有田園作寓公。金少難邀遊客譽，政嚴差免小民恟。君恩真覺深如海，覽疏知臣宦橐空。

張綺卿茂才

雲錦

書來索詩賦此寄贈

淵明歸去來情話，共親戚深情既款妙語乃破的。綺卿正少年文手推霹靂不遠數百里訪我快良覲。西窗翦紅燭夜雨聽淅瀝清談霏玉屑頓使塵俗滌老夫傾兩耳若戰遇大敵畏哉此後生壇坫足鞦韆君伯宮保。

公海柯忠勇 綸綍錫會埽蛇豕穴懋著貔虎勩與我

連婚嫺松高鳶蘿羸弱女公所憐愛子吾敢溺結禱近

三載頗知事紡績紡聲兼書聲忘卻蓬戶寂寒家守遺

經仰賴先訓迪擷芹繼書香荷薪念父析兒子臻壹今年科試忝入

邑因君索鄙語枯腸聊搜剔君以檠戟肯而能辛苦歷

習氣摒執綺良材恥樗櫟翳予百無營衰驥甘伏櫪期

君阿龍超飛騰早破壁賦日效李程著鞭先祖逃重霄

干青雲萬丈奮紫霓何時重相逢階除記萁薪秋蔬小

園滿春釀糟牀滴菜根約客酸唾壺乘醉擊調言君勿

退一步齋詩集卷十五 六

晒雄辯我仍惕迢遞一紙緘殷勤雙鯉覓

戚夫人

擊筑高歌興未闌生兒容易立兒難西京舊事誰能記

只有扶風賈佩蘭佩蘭事見三輔黃圖

今年預試乙酉萃科吳壻兆殺兄子臻廣均獲雋

三兒臻壹亦忝列邑庠賦詩爲勛

吳壻性聰俊奇字能識颺臻廣頗誠篤讀書聚流螢壹

也少迂緩馬驚難稱駟二子逾弱冠北殺年二十三臻廣少殺一歲臻壹

少廣三歲壹學慙負苓今年戰文場捷音老耳聆高與拔萃

選姓氏揚 王廷吾方笑壹驚一衿亦復青慈親顏彌

歡賀客趾不停對客一紙書俾汝三人聽觥觥侍郎公

通籍白雲廳洊歷卿貳班老成貽典刑彈指六十載歲

月風中萍仰首南斗旁又見輝文星兆毅大父竹如先生以道光乙酉拔

貢通籍毅今繼之佳話也

吾兄職侍從豸繡腰紅鞞西清夢已遠索

上會聞鈴自憐鶴襪短羽無修翎垂髻赴童試甫當

十四齡二十橐筇管忝竊登明經六踏棘院秋手拈桂

蕊馨那知困春官失利等破瓶功名本偶爾視若飛鴻

冥尼山德行科橫渠東西銘昔在侍郎側語我常惺惺

退一步齋詩集卷十五 七

韋相非無才依阿乞寵靈婦翁杜黃裳拂衣歸巖局伏

波誠兄子其言分畦町刻畫虎鴟質終竟狗鷺形軒冕

皆浮榮圭璧加礪礪品貴山嶽峙學重淵海淳念祖勉

繩武誦詩思過庭

喜芟塘兄補湖廣道御史

除書迅速付郵筒風裏開緘喜氣融和易始知攻訐險

徧私安得是非公兄處事必計是非每以和平樂易助子一門四諫 恩

難報吾家自鐵君叔父至兄凡四記諫垣十載三刀夢已空子歸養今何已六年

日春明重聽雨白頭相對夜燈紅

懷江蓉舫前輩人鏡

燕雁分飛宦轍遷袖香猶帶 御爐烟朱餘有味書生

澹蓉舫官河東鹽道奉旨引見白簡無端 聖主憐一舉明經雙快

壻指吳壻兆毅兄子四朝同譜半衰年同鄉已酉同年君與李小泉倪

豹岑李采臣孫稼生諸公皆年逾六十程尚齋張西近

圍已近七旬部荻洲七旬以外而吳春帆且長逝矣來頗憶金臺柳多少枝條起又眠

中元樹君招遊長春嶺夜飲約園子箴兄有詩因

次其韻

平生頗訝杜陵老何苦吟詩被花惱揚州煙月最多情

退一步齋詩集卷十五 八

況值今年秋信早水田一帶方如枰扁舟雙槳隨吾兄

長春嶺畔亭觀好蓼枝蘆葉風相爭高亭當風觀迎月

遊人喜說中元節木魚梵唄寂無聲機鋒直向山僧發

廣長之舌蓮吐花自吹簫管勝琵琶此簫此管亦禪

悅隔江嵐影樽前斜醉來欲問鷗眠處天地蘊廬生覺

悟莫羨南宗與北宗屏除頓漸忘名譽與闌歸棹鳥音

嬌時舟中攜一畫眉鳥多謝良朋折柬邀團團皓魄遙空挂清夢

難禁廿四橋

退一步齋詩集卷十五終

退一步齋詩集卷十六

定遠方濬師子巖著 陽湖呂景端編校

出岫集 丁亥戊子 存五十六首

到金陵喜晤倪豹岑同年贈七律二章

乞歸小隱石頭城二水三山遠近迎早署鳳樵期志遂

豹岑自號 七鳳山樵 不聽蠻語便心清桂林囊橐新詩橐 豹岑所著 兩璽

勉齋詩橐 刊於桂林 荆楚砮堤舊政聲 豹岑守荆州 修堤著績 聞道 朝廷

資燮理未容蓑笠事春耕

老我頻年白髮催偶搖短棹過江來雲孤幾 平 被風吹

退一步齋詩集卷十六

散灰冷難教豆爆開誦到蓼莪空抱恨話將荆布共含

哀 豹岑與子 先後悼亡 多君愛護東籬菊為是陶潛一手栽 余與 豹岑

同受知於 羅文恪公

和豹岑同年仲夏乞病得請仍奉病痊入 觀之

命紀 恩原韻

一筴祥萱歲序遷蓋臣趨 闕祝 堯年鵲爐香靄金

階上蟾月宵臨火樹邊琛賚新來重澤國霓裳舊詠大

羅天東山起慰蒼生望種福都憑八識田

退一步齋詩集卷十六

飛閣層樓次第看置身高處本清寒自從臥榻容人睡  
幻出華胥結客歡銀海搖光紅袖繞巫山催夢碧峯攢  
此間別有黃金穴不羨貂蟬羨豸冠

雲影天光護曲池鬢宮西面晚晴時

上海儒學之西臨有天光雲影池

流尚憶青龍艦覓句曾無白燕詩海市蜃樓雙眼倦江

山風月一簑披蓴羹鱸膾東南美知味而今卻是誰

寶馬鈿輿夜色分芙蓉繡褥麝蘭薰一燈電閃天邊月

萬戶煙籠島上雲茶亦醉人劉貢父酒能沽客卓文君

吟詩忽憶燒香曲作俑終慚大雅羣

上海李舍人雯國朝時人有燒香曲

退一步齋詩集卷十六

一一

豐傳於世

四輪碾動馬蹄聲風送香車一葉輕紫燕綠蛇同蹀躞

金烏玉兔兩分明如虹爭唱高軒過策蹇誰憐薄笨行

可識陸閎姿態麗南方名士也傾城

用陸子春事子春松江人也

東洋車

洋人以車租與華人之無衣食者英法各界約三千輛晝夜各三千人每人日納洋

銀二角不得絲毫縣欠

圈木作倚兩桿長油布如幕遮太陽以帶束桿肩爲梁  
手握兩桿立不僵雙足勿勿口吻張初疑鹿奔倏鳥翔  
疲驢卻步馬首驤乘而行者安逾牀青銅百十價匪昂

東西南北隨意將三千輛車晝夜忙六千夫役皆堅彊  
每夫租稅二角償驅使此輩等犬羊衆夫用力充彼囊  
謀利至此眞貪狼嗚呼狼子生東洋嗚呼華民貧無糧  
甘心狼俵亦可傷君不見四馬路拋毬場

將入都門賦詩誌感

衰病年來總不除白雲望斷宦情疎永無菽水承歡日  
但有麻衣漬淚餘末路鹽車羞樞馬空山風木感臯魚  
故人憐我清貧久猶寄殷殷勸駕書

心跡平生只自知草廬深悔讀書遲一鷗偷眼忘機客

退一步齋詩集卷十六

三

五鹿談經著述師歷遍炎寒堅氣骨能嚴斧鉞仗毛椎  
濯纓濯足尋常事請向滄浪兩問之

長樂初都護以芝隱室續集見示賦以奉答

同官輦下同吟詩問年剛過三十時又十一年官嶺嶠  
我先公後仍追隨乞養歸田各分手鄉邑閉門學無友  
何圖再踏輦紅塵彼此相看都白首幾卷珠瑯復起予  
目眩金壘慚瓦缶匡時妙策貯胸襟聊假霜毫抒抱負  
老去律細宗杜陵入室豈僅高堂升清如萬斛泉皎潔  
雄等千仞山嶒峻自云來從山水窟氣鍾靈秀洵堪徵



本公游香山詩意 拾玉角挂古峽練蜘蛛翅繞羅浮藤笑我平

生罕遠志學劍讀書兩弗利惟將退步署蕭齋子所居頽曰退

一步 齋 賸有虛名稱俗吏 天閑芻秣叨飼養伏櫪驚駘

附騏驥誦公佳什知公心滂沛欲作商巖霖耳中雷電

莫驚激肩頭甌笈能勝任南華菇香荔支熟公也當時

啖應足分甘馳騎有賢王重教齒頰留芬馥更羨吾師

八十強歸然佛殿魯靈光佩荷相國賢王賢相爭酬唱又與

鰕生和一章集中與醋邱佩荷師相唱和極夥

志伯愚仲魯在廣州將軍署讀書時侍秦大使祖

退一步齋詩集卷十六 四

永作同聽秋聲圖今年至都伯愚持示索題得

二截句

十載壺園共酒杯商飈吹冷越王臺池邊紅蓼亭前柳

記否將軍揖客來

曾忝西嶠使節持六榕庭院啓眾思涼宵翦燭披圖卷

觸我聯牀話雨時庚午與子箴家兄聚首羊城曾繪聯牀話雨圖

再題伯愚仲魯同聽秋聲第二圖是伯愚入翰林

後朱雲門觀察所作

不負寒窗共勵心西清聲價重如金萬書卷裏雙吟管

一畫圖中兩翰林老我漸徵秋氣象勝遊真覺歲侵尋

子別壺園  
九載矣

宮衣花露沾濡滿耳畔黃鸝正好音

題錢子密同年

應溥

寶泉河看荷圖

賦詩答春圃

天遣高人具高致公餘便動看花思寶泉河畔景澄鮮  
邀約良朋騁遊騎八門下馬路逶迤水心亭子環清波  
香風幾陣拂衫袖千枝萬葉田田荷荷香喜共幽人采  
雨後丰容仍不改似知溪客愛紅妝擬就湘妃分碧藟  
歸去長吟七字詩拈毫好語畫師知裝成一幅新圖卷  
重對名花醉玉卮

退一步齋詩集卷十六 五

又題極樂寺看花圖

憶昔花之寺裏遊看花人已雪盈頭滿山桃李爭穠麗  
畢竟天姿若箇優

爐香輕颺梵王宮九十春光暖日烘請與海棠添二友  
玉釘紅斗繪尤工

題張友山中丞

兆棟

頤園圖

思寶泉河看荷圖

懿渠頤齡沐 聖恩敬將頤字署芳園可知報答春暉  
意蘭採南陔背樹萱

生綃一幅好丹青無限雲山列畫屏何日與公重握手

流觴曲水仿蘭亭

謝恭邸賜瓜藕

甘瓜兼脆藕頌賜意重重  
味勝青蒲鴿人誇白玉龍  
浮沈都在眼冰雪早羅胸  
堅抱東山節中田雨正濃

謝心泉貝子賜馬

心泉主人伯樂僑廢中  
養馬皆驕駟忽牽一匹云  
賜我風鬣霧鬣明星眸  
鰓生受寵驚復喜急市鞍  
轡城東頭長安塵土不虛  
踏顧盼欲傲諸公侯毛色  
驪黃身七尺四蹄碾動風  
颼颼洗盡凡質價彌重  
比較神駿知誰優

退一步齋詩集卷十六 六

合乞韓幹八圖畫除卻杜甫難吟謳  
主人年少侍帝學鷄鳴策騎銅龍樓  
手紫絲韁耀朝日腰黃金帶懸吳  
鉤羅胸萬卷悉經濟放眼四裔輕  
豪酋文武兼資本家法欽仰  
睿聖貽孫謀緬懷昔哲謬相擬  
任城彭與彭城洩夏官侍郎  
臣孫燮我同譜主人數載從之遊  
禮賢好士等飢渴朝取夕取思其  
尤方今英雄貴駕馭高臺莫惜  
黃金修伏願主人具眞賞警貢  
駮駟天閑收如我駑駘奚足數  
鹽車末路嗟淹留識途未必勝  
老馬竊祿久已嗤梁鶯桑乾兩  
岸易遷徙每憶棗瓠心懷僕且

乘驥裏大隄去濃陰楊柳當深秋分付圉人勤愛惜囊  
盈麩豆筐盈芻借他汗血名駒力千里馳驅志或酬

子箴大兄以畿境水災輸金助賑合肥相國奏

聞奉 硃筆開復官職敬賦二律

捧到 溫綸喜不支 恩榮勝似服官時冊年攬鬢詞

臣老一疏明衷上相知 相國疏中有方某前在四川平反冤獄川人士至今頗有稱道

者 杖履從容秋社裏 兄近與同人開延秋詩社 桑榆景色晚晴宜重

游泮水剛周甲好檢朝衣手自披 兄今年適重游泮宮

小住京華四月餘駑駘猶復荷 恩除治河我愧無良

退一步齋詩集卷十六 七

策濟眾君能獲善譽海舸佳音輸電速 來往音問皆以電報 天池

息翼向風舒焚箋擬告雷陳友請覓臨邛道士居

附錄和作

助賑復官更值重游泮水誌喜二律卽和子嚴五弟

見寄原韻

漫誇筇竹健能支憶否蠶叢履險時綿力略紓三輔

困愚忱上達 九重知相公汲引慚非分阿弟扶持

妙得宜垂老香芹還再擷章身休把芰荷披

五領青衫慶衍餘 一門羣從入泮者五 龍頭曾記拜 丹除行

藏有命何榮尋俯仰隨人任毀譽境絕坡陀一心坦  
胸無碗磊兩眉舒教兒解識書中樂肯厭深山木石  
居

子箴大兄以道光戊子入郡庠今六十年矣用隨

園老人丁未重游泮宮詩韻寄賀

瞻前四兄存者二

東坡詩瞻  
前惟兄三

均以文章魁小試伯也髫

齡列郡庠讀書恥共羣兒戲是年兵甲湔銀河同晝底

定功勳多繫子世父佐戎幕玉門生入賡鏡歌

世父自  
新置歸

途中得兄  
入學喜音

祖庭靈椿濃蔭覆金花手取雙枝簇

時大父  
在堂

退一步齋詩集卷十六 八

芹水新含脈脈香棫生便抱叢叢樸頰水迴環玉鏡開

鬢宮爭看秀才來賦成熊掌傳人口試聽鴉音恰好懷

兄應詩古試泉孫  
尙書以熊掌命題

杏苑桂林從此到春風秋日開顏笑

馬蹠踏遍輓紅塵公卿識面都傾倒霜森白簡立朝

堂曉仗曾隨鴛鴦行命宮遭蝸同蘇軾石戶爲農效務

光臨淵重釣漁翁羨敲門載酒門生見清味頻烹願渚

茶堅心獨抱端溪硯再檢襴衫戊子年思量往事渺雲

煙饒他騏驥爭馳逐卻讓先生早著鞭當初儕輩今誰

在指點晨星情怎奈我亦鬢宮步後塵重游更祝先生

待濬師亦十題襟邗上醉瓊卮四座賓朋作賀詩可知

一片團圓月引領盧溝北望時

借黃麗川總戎

金志

金茗人觀察

福曾

閣視大范

口至韓家樹挑河形勢漫賦四律示河上諸同

官

敢將俠氣改儒酸老馬無端又被鞍五柳笑人辭粟里

己卯由嶺西北上曾有

歸尋彭澤陶潛柳句

雙旌催我向桑乾瞻

天曾

諭乘舟好

濬師召對奉

上

臨事方知決策難匣裏治

河書幾卷報恩惟矢寸心丹

退一步齋詩集卷十六 九

策馬長隄欲雪天蕭蕭楊柳朔風牽道旁伍卒弓刀肅

車上元戎艤輞妍村少牛羊知歲歉澤多鴻雁問誰憐

途人休訝貂裘敝自出承明二十年

山環石逕勢嵯嵯

石逕山即

遷徙無常是此河古寺西

尋金闕杳洪濤北向子牙過

道光二十六年改子牙河

判勻沙散水功非易激濁揚清利較多

此大挑濬大范

間故道入大清河若寬深得法避永定

口使水歸雍正

號吾鄉軍士亦番番

手號軍治河見

王景堙流術未操且將迂論質同曹頗聞掘鼠仍留穴

永定河謂鼠爲地狼又有獾  
捕者賞以銀今皆虛應故事  
奚待亡羊始補牢大府憂

勤馳羽檄司農匱乏計錢刀何當早奏宣房績歌詠安

瀾託彩毫

祀竈作丁亥年

九齡祀竈賦新章

道光戊子九歲祀竈日先公命作詩有下拜原非媚句頗邀稱賞

十年來鬢髮蒼不敢媚神聊下拜有誰知我且焚香望

塵定逐東皇馬

今年臘月廿三日立春

實俎應供北地羊欲向蓬

萊問仙客丹砂一粒可分嘗

張紳甫司馬屬題尊甫先生西齋讀書圖

退一步齋詩集卷十六 十

圖畫重披劫火餘西齋文學有誰如請君付與賢孫子

能繼家聲是讀書

松峻峯方伯以其芾嗣碩彭課作見示漫成兩絕

句奉贈

冰雪文章錦繡詩絳帷況復得經師謂呂幼淨指老眼

逢人說喜見瓊林第一枝

髫齡我亦忝虛名曾記前賢譽後生

潛師年十五在江南以文謁潘少白

先生深

蒙獎勵倦馬近來無足力三年秋鴛望君成

秋日雜感

故交久別意彌親一紙書來肺腑陳猶說田文能好客  
那知燭武不如人清聲到耳譙樓鼓遠道關心絕塞塵  
時奉文知成子鶴李子和兩公發遣軍台效力滌瀆天池多怪物漫勞獮獺笑  
常鱗

丹楓玉露氣涵秋莽莽乾坤歲月流頴考叔羹無母遣  
去魏城君墓教兒修南飛月射寒烏影北鄉風催旅雁  
愁十二闌干閒倚遍碧天星斗正迎眸  
禮佛曾登大願船俗塵重踏便逃禪已成末路王夷甫  
欲問迷津孟浩然海底魚龍爭變化番中大馬快騰驁

退一步齋詩集卷十六 十一

漢南幾樹依依柳憔悴如今合自憐  
邯鄲大道又重過一枕黃梁舊夢多爐炭暖添婆律火  
岸霜寒到子牙河與梅尋友栽松竹抱甕呼僮貯菜盞  
解識田園真樂趣朝衫未必勝漁蓑

雨窗憶三國志得截句二十首示長孫燕翻

技術精深計慮疎獄中燒卻活人書千秋莫笑曹瞞忍  
天下庸醫鼠不如

魏

下筆成章十歲餘禽權馘亮願難攄北河若遂先王祀

饋食應須奉鰓魚

魏



於菟生縛命須臾坐上賓能救得無我道當時留呂布  
奸雄未必保頭顱魏劉先主不救呂布逆知曹操斷  
豈不知之而必待不赦其死也不然建陽太師之警操  
先主言之始覺耶

五斗傳家鬼教嚴道書一卷是誰傳不如楊鳳爲官樂

山賊公然舉孝廉魏

逆賊如何喜噉人孝哉鮑出一齊民籠盛阿母還鄉里

猶把餘威救比鄰魏

侍婢生兒亦大奇北方有國號豪離天心要顯東明勇

猪馬居然代護持魏豪離國王侍婢生子王欲殺  
之棄諸溷中猪以喙馬以氣噓之

退一步齋詩集卷十六 十二

浪涌潢池盜弄兵并吞剽劫勢縱橫分明記得神巫語

白兔剛剛入犬城魏畦固字白兔巫曾以兔  
入犬邑必不善竟死於犬城

狗能上屋甌蒸兒妖異如斯若罔知五十年前真蟻夢

公孫淵亦太愚癡魏

一道陰平暗鑿開綠崖攀木裏甌來檻車徵去寃難白

我爲征西鄧艾哀魏

死何面目見荆州風誼堂堂孰與侔爲問君王圍蜀日

何曾拔髮入山不蜀

丞相宣麻穆后封那知劉瑁是同宗一般國色樊家女

不敢呈身趙子龍

蜀

敵國頻侵宦寺驕費瑋蔣琬後先凋可憐兄弟怡怡少

十載甘陵不上朝

蜀

鐸裴爵位已超羣彈射空勞利病分畢竟榮枯皆命定

老兵也列後將軍

蜀

白刃當前怒不消督軍摺伏首幾臬縱饒直諫披肝膽

難救崇華孽火燒

魏

臨海神人不見形侍兒紡績亦伶俜蒼龍門外開新邸

竟向淫昏鬼乞靈

吳王表為神其婢名紡績

退一步齋詩集卷十六 十三

功曹起舞杖頻加供設求豐主簿搥一斛稻收魚一尾

怨咨爭怪遍荒遐

吳黃蓋在日齋以供給不豐搥殺主簿詹萌在九真宴客杖功曹番歆

朱符強賦一枚黃魚收稻一斛見吳薛綜傳

數千匹帛費無端諸將風承酤糴官御犬具纓君莫訝

漢家還有進賢冠

吳

茹荼盤飧坐外窗獻瓜豪族氣能降千頭中與將軍賭

豈有沙囊塞大江

吳

步騭事

四時甘脆置船邊一醉能令萬慮捐化作陶家香淨土

酒壺都是鄭文淵

吳

射雉閒時便讀書青龍赤雀瑞原虛不教察戰

吳官之名之

交趾安得江南有大豬

吳

退一步齋詩集卷十六 十四



退一步齋詩集卷十六終

交趾安得江南有大豬

吳

